



UNIVERSITÄTS-
BIBLIOTHEK
PADERBORN

Universitätsbibliothek Paderborn

Virgo Lavretana Commentariis Illvstrata Sive Compendiosa Explicatio Litaniarvm Lavretanarvm

Dript, Laurentius a

Nevhsii, 1673

Caput Vigessimum. Sextum. Encomium Marianum Trigesimum Primum.
Janua Coeli.

urn:nbn:de:hbz:466:1-43641

CAPUT VIGESIMUM.
SEXTUM.

*Encomium Marianum Trigesimum
Primum.*

JANUA COELI.

PRæconio præcedenti Virgo sacratissima *Arcae fœderis* & *Noë* comparata fuit eò quod per ipsam tanquam *Arcam fœderis* inter cœlum & terram, Deus in carne humana pijsime assumpta inter nos habitare dignatus sit: tum etiam quia per eam à generali peccati diluvio tanquam mediatrix, & matrem mediatoris omnes liberantur quotquot liberantur, sicuti per *Arcam* solus *Noë* & filij liberati sunt, nec quisquam sine *Noë* generale diluvium aquarum, nec quisquam sine *Arca MARIANA* generale peccati diluvium evadere quivit: licet enim posset sine *Virgine Matre* nobis hæc beneficia conferre Deus; nequam tamen id facit, sed per eam veluti per cœlestem quandam canalem, omnia
sua

sua ad nos beneficia manare voluit: ita Bernard. serm. 2. Grali. de Virgine Deipara: Ceterum inquit quidquid illud est quod offerre paras, MARIÆ commendare memento, ut eodem alveo ad largitorem gratia gratia redeat quo influxit. Neque enim impotens erat Deus, & sine hoc aqueductu infundere gratiam prout vellet: sed tibi vehiculum voluit providere. Forte enim manus tua aut sanguine plena, aut infecta muneribus, quod non eas ab omni munere excussisti. Ideoq; modicum istud quod offerre desideras, gratissimis illis, & omni acceptione dignissimis MARIÆ manibus offerendum tradere cura, si non vis sustinere repulsam. Nimirum candidissima quedam lilia sunt, nec causabitur ille liliorum inter lilia non inventum, quidquid illud sit quod inter MARIÆ manus invenerit: Hucusque virgineo lacte potatus Bernardus: Ex quibus liquido constat quidquid preced. Cap. paucis demonstravimus ipsam Arcam esse per quam liberantur & salvantur omnes: ut ideo jure merito (quod in præsentia demonstrandum est) ab Ecclesia Ianua & Porta non materialis sed spiritualis cæli cōsalutetur. Ipsa etenim verissime janua & porta est, per quam tot

milleni, & propemodum infiniti peccatores desperatissimi, cœlestem beatitudinem adierunt, alioquin inferni ignibus adjudicandi, imo aliquando adjudicati. Et hæc veritas tam clara & ab omnibus sanctis Patribus recepta est, ut eidem inhærere & id probare velle, sit soli facem admovere: nihilominus paucis demonstratur.

§. I.

Dionys. Carthus. dum commentatur in Cap. 8. Cant. disertis verbis eam portam & ostium esse per quod ad cœlum & Deum nobis pateat aditus asserit: explicans siquidem verba: *Soror nostra parvula est, ubera non habet quid faciemus sorori nostre in die quando alloquenda est, si murus est adificemus super eum propugnacula, si ostium, &c.* Vtique ait ostium fuit divinissima Virgo, per quam Salvator venit in carne assumpta ad genus humanum, & per ipsum omnes accessum habemus ad Salvatorem & judicem nostrum tanquam per piissimam portam omnibus patulam & apertam. Et sicut Christus est Deus noster & misericordia nostra, sic ipsa est Mater & Domina nostra, misericordie janua: ut merito in eam quadrent verba Patriarchæ Jacob, *verè hæc est*

Hæc est domus Dei & porta cæli per quam omnes introitum habent ad vitam : juxta quod dictum est ab ea , qui me invenerit inveniet vitam & hauriet salutem à Domino : Beatus proinde qui vigilat ad fores meas quotidie & observat ad postes ostij mei. Sed & S. Anton. Episc. Florent. 4. cap. tit. 15. cap. 20. cum 12. Quasi ex uno cum Bernardo ore loquens eam cæli portam ac januam asserit ob duplicem causam : Primo quidem quoniam per eam exivit è cælis quidquid unquam gratiæ exivit in mundum : Secundo quidquid boni de terris intravit in cælum (ut sancti omnes) per ipsam ut portam intravit. Conformer ad mentem & verba S. Bernardi serm. Grati. de Virgine Deipara : Altius inquitentis intueamini quanto devotionis affectu à nobis eam voluerit honorari qui totius boni plenitudinem posuit in MARIA, ut proinde si quid spei in nobis est, si quid gratiæ, si quid salutis, ab ea noverimus redundare, quæ ascendit delitijs affluens. Porta ergo cæli merito dicatur per quam è cælo descendit humanamque carnem assumpsit unigenitus patris, Porta inquam orientalis Ezechieli in visione præostensa: unde Anonymus Virginem sacratissi-

mam alloquens: *Tu palam inquit designata es porta solis ex alto progressi, tu thronus excelsus, tu scala sublimis & ad caelum usque porrecta, per quam Christus à naevis omnibus libera Virgo descendit, cumq; mortalibus in exilium pulsus agere vitam incepit. Et S. Hieron. lib. 1. ad vers. Iovin. tom. 2. Hec est ait porta orientalis ut ait Ezechiel semper clausa, & lucida operiens in se & ex se proferens sancta sanctorum per quam sol justitiae & Pontifex noster ingreditur & egreditur.*

§. 2.

ET quidem Virginem sacratissimam per portam illam Ezechielis 44. fuisse praesignatam quilibet textum inspiciens facile cognoscet: sic enim habet & convertime inquit Propheta ad viam porta sanctuarij exterioris quae respiciebat ad orientem & erat clausa: & dixit Dominus ad me: Porta haec clausa erit, non aperietur, & vir non transiet per eam: quoniam Dominus Deus Israel ingressus est per eam eritq; clausa principi. Quem locum etiam Virgini sacratissimae convenire monstrat S. Ambr. in lib. cui titulus institut. Virg. cap. 7. Porta haec clausa erit, &c. Quae est inquit haec porta nisi MARIA? ideo clausa

clausa quia Virgo. Porta igitur MARIA, per quam Christus intravit in hunc mundum, quando virginali fusus est partu virginitatis claustra non solvit, sed inviolate integritatis duravere signacula: cum exiret ex Virgine cuius altitudinem mundus sustinere non potuit. Hec porta clausa erit & non aperietur. Bona porta MARIA quae clausa erat & non aperiebatur: Transivit per eam Christus, sed non aperuit, in qua sedit Christus & exiit, eritq; post transitum Domini clausa. Hec porta respiciebat ad orientem quoniam verum lumen effudit, quae generavit orientem peperitq; solem iustitiae. De ea dictum est ad Ecclesiam, quoniam confortavit seras portarum tuarum, & suam portam confortare non posset? sed confortavit profecto & servavit intactam, quam semel clausit sanctus & verus qui habet clavem David, qui claudit, & nemo aperit. Hucusq; Ambros. quem è vestigio sequitur ejus per fidem & doctrinam Christianam filius August. Facta est MARIA ait fenestra caeli, quia per ipsam Deus verum fudit saeculis lumen. Facta est MARIA scala caelestis, quia per ipsam Deus descendit in terram, ut per ipsam homines ascendere mereantur in caelum. Facta est

MARIA restauratio fœminarum, quia per ipsam à prima maledictionis ruina probantur esse subtracta. Dicat Virgo MARIA porta facta sum cœli, facta sum filio Dei. Illa porta facta clausa quam in visione divina Ezechiel vidit Propheta. MARIA enim semper erit intacta Virgo in partu, & Virgo post partum. Qui natus de ventre meo me Matrem dimisit intactam adimplevit ventrem meum diuinitate, & uterum meum non evacuavit castitate. Et ut bene inquit Rupertus lib. 3. de diuinis officijs cap. 13. Maxima portarum cœli quas Dominus ut hoc manna scilicet filium suum plueret nobis aperuit, MARIA exstitit: per quam ad nos verbum caro factum de cœlo descendit: Hec verbum illud ita plena gratia concepit: ut visibilem hominem factum pareret in veritate carnis eodem spiritu sancto, & per ora Prophetarum verbum hoc eloquente, & conceptionem ejus in utero Virginis operante.

§. 3.

SED inter hæc difficultas occurrit ex verbis Prophetæ Ezechielis: Si porta MARIA dicet aliquis cur clausa? quæ nobis erit in hac porta utilitas, quod solatium, si non datur nobis sed soli principi introitus ad, &

ad, & per eam: sed non est quod tristemur. Est enim MARIA *porta & clausa & patens*, clausa principi, patens peccatoribus, clausa contra violationem, patens ad intercessionem: imo ideo patens peccatori ad se confugiendi, quia clausa principi, seu quia mater Dei: per hoc enim meruit ut quidquid gratiæ, quidquid consolationis, quidquid salutis est in nobis, per eam tanquam per portam, per mediatricem, & canalem ad nos derivetur: & ita per eam ad beatitudinem cœlestem, à qua per *Eve* peccatū exclusi eramus, redeam⁹: *Ab ore enim ejus pendet teste Bernardo serm. 4. sup. miss. consolatio miserorum, redemptio captivorum, liberatio damnatorum, & salus universorum filiorum Adam.* Assidue proinde ad hanc cœli portam, orationis clavem dirigamus ut se nobis referare, & ad cœlestem beatitudinem introitum gratiose concedere dignetur: jam enim advertistis cum Doctore mellifluo *serm. 2. in Adv.* ni fallor quoniam *Virgo regia ipsa est via, per quam Salvator advenit, procedens ex ipsius utero tanquam sponsus de thalamo suo. Tenentes ergo viam studeamus, & nos dilectissimi ad ipsum per eam ascendere,*

E f 5

qui per

qui per ipsam ad nos descendit, per eam venire in gratiam ipsius, qui per eam in nostram miseriam venit. Per te accessum habeamus ad filium ò benedicta in ventrix gratia, genitrix vitæ mater salutis: ut per te nos suscipiat, qui per te datus est nobis. Fac ò benedicta per gratiam, quam invenisti, per misericordiam quam peperisti, ut qui te mediante dignatus est fieri particeps infirmitatis & miserie nostræ: te quoque intercedente participes nos faciat gloria, & beatitudinis suæ IESVS Christus Dominus noster, qui est super omnia benedictus in secula, Amen.

CAPUT VIGESIMUM
SEPTIMUM.

*Encomium Marianum Trigesimum.
Secundum.*

STELLA MATUTINA.

Virginem sacratissimam stellam esse fusius ostendimus cum dulcissimum nomen ejus quod est MARIA explicavimus: idque tum quod nomen illud interpretetur